

安徽府縣志輯

中國地方志集成

康熙含山縣志

道光巢縣志

中國地方志集成

安徽府縣志輯 ⑥

道光巢縣志

康熙含山縣志



江蘇古籍出版社 ● 上海書店 ● 巴蜀書社

責任編輯 王 劍
封面設計 范一辛
美術編輯 姜 嵩

中國地方志集成

安徽府縣志輯⑥

出版發行 江蘇古籍出版社

社 址：南京市中央路一六五號

發行部電話：〇二五——三二：三三四六二

郵 編：二一〇〇〇九

印 刷 上海市印刷七廠

定 價 八八元

1998年4月第1版第1次印刷

ISBN 7—80519—963—9/K·442

康熙含山縣志



(清) 趙 燦 修
(清) 唐 庭 伯 等 纂

本書三十卷，據清康熙二十三年
(二六八四)刻本之抄本影印。

含山縣志序

域中大權有三史居其一
焉山川之險易人物之淑
慝風俗之淳澆以及治忽
興亡之法戒皆賴史以傳

趙序

史之權不綦重乎欲求信
史於天下尋源達委端在
郡邑故郡邑之有志猶國
之有史也含古歷陽界當
江淮之衝爲吳魏有戰地

四山矗起一水滌滌眺矚

流連令人神往余於癸亥

夏新膺

簡命承乏茲土時

聖天子車書一統海宇昇平

趙序

二

爰渙

綸章廣開志載

督撫兩憲臺馳檄大江

左右彙集郡邑諸志啟棘

闌而布席焉猗歟盛哉文

教聿光矣第舍志自余鄉
朱公重修後迄今三紀世
變風移雖山川如故其間
戶口之增損田賦之變通
者幾何闕市之廢置宮廟

趙序

三

之釐正者幾何忠孝節義
之芳規瑰異琦行之偉蹟
遺佚不聞者幾何今不爲
之紀實考信將何以續三
十餘年之曠廢而垂示久

遠乎於是不辭固陋延集
邑之紳士矢公矢慎博稽
幽討焉寧質勿華寧簡勿
濫寧慎重勿浮誇庶幾疆
域有所據不虞其漏也版

趙序

四

籍有所定不虞其紊也賢
者得以傳不肖者知所勵
也是則余之志也後之蒞
茲土者其亦有感於余之
志也夫

肯

皇清康熙甲子季夏之吉

文林郎江南和州含山

縣知縣博姑趙燦錦濶

父撰



載序

邦稱吳楚噪耳食者徧震
海余謬蒞茲舍已得大較
餘閒搜舍志一帖中間覓
點皴痕殊不勝有修繕之

趙載序

感自國史一書繼麟經絕
筆後十有七種綱目得麟
經之遺而考亭之筆削得
春秋左氏之統宗其亦大
宋之春秋乎抑亦萬世之

春秋乎表裏是是非非大
書特書爲天經地義昭若
日星此遷固而後紫陽氏
之一傳再傳揭直道於中
天而表彰於燦者也諸國

趙載序

二

史而外則爲傳爲記爲郡
志爲邑乘亦有麟經之遺
焉此舍邑之乘有待於修
之亟亟也舍志所載如風
俗人文山州名勝祭祀典

禮義夫節婦土產疆界罔
或少遺此庖厨襍藝府庫
六經包羅萬有不得名流
碩抱烏能勝任而愉快爰
集王子千里唐子秩臣鍾

趙載序

三

子孝虎張子九雲毛子碩
人唐子修巖分彙纂著佛
時仔肩率成舉數十年中
葉不無損益隱見之漏乘
興朝大修一統全志之盛之

時從而振興之使字追句
琢南金竹箭炳炳磨磨如
日月经天江河注地後之
君子伐帖而如見今日於
几席面談間猗歟休哉余

趙載序

雖貧於官適亦快余之懷
也云爾

薄姑趙燦載撰



含山縣志序

志言記也與國史爲表裏志以
郡分史以國合故國史爲郡志
之合郡志卽國史之分史也者
上接王風寓明春秋之義大書
特書非非是是炳日星而昭雲

林序

一

漢自龍門振始歷兩漢六朝唐
宋諸大家各秉一椽爲一代成
書極九州四表人物山川諸勝
記載罔遺蓋亦博採於諸志而
大備之史亦志之一大都會也
志固與史並重舍之有志舊矣

自前尹牟朱兩公纂輯帖成緗
面及今多歷年所世幾變風亦
幾移矣其中損益廢興不一而
足諸如

聖宮賢廡名宦鄉賢官舍田園
興於兩公之年者繼或廢於今

林序

二

日有增益於兩公之後者或未
備於先年不考核詳確錯出先
後訛以益訛謂信志何謂百世
何余每志切修明力既慚薄而
任又非所宜專希噓浩嘆蘊結
孔將虞管管莫之或逮何是歲

春 邑侯博興趙公蒞舍甫期
百務修舉亟發其志而昭明之
乃晉揖知名諸君子操觚濡墨
戎理肩事盡舍之人物名勝山
川土田建置沿革記以信不記
以疑記以寔不記以華區類別

林序

三

額條析縷分不遺千鈞芒髮當
事又從而典贍之按事徵詞追
字琢句卽起太史公董狐穀梁
輩而問之亦將嘆其寧質無文
寧直無阿無忝於考亭弇州諸
君續筆綱目輔翼春秋之一班

也余不才愧樗櫟於梨棗得步
塵於諸君子之後幸何如之敢
謂此志僅一邑之志一日之業
也哉侯秦岱名宿蒞舍多治行
舍人士能言之茲不具贊云

康熙甲子天中舍山縣儒學教

林序

四

諭毘陵林搏雲頓首拜撰

舍山縣志序

余不敏株守一經濫竽歲薦家
居閒暇無案牘之擾以勞其形
神時肆力於墳典丘索載籍圖
史舉凡五嶽之高百川之遠雖
未身歷心竊嚮往久之甲子春

吳序

一

得分舍訓知舍屬歷陽近金陵
風土人物佳麗甲於天下得之
傳聞者久在意中及奉

命之官見山環水遠知其土厚而
水深也見士愿民樸知其風醇
而俗美也數十年之夢想一旦

而履其地接其人斯已奇矣乃受任伊始恭逢 邑侯趙公重修邑乘 同寅林公左右而贊勲之卜吉環峰書院延請紳士鍵戶編輯夫志何以必修蓋以今之志志昔也後之志志今也

吳序

二

後之不修昔將安繼倘前事修明後事闕略是有志無志也抑且歲月浸久字磨版軼遺文湮沒傳信傳疑皆無可考失此不修是有志無志也含志創始於牟公增華於朱公厥功大矣而

朱志成於順治六年

本朝定鼎之際值兵燹之餘數十年流氛寇亂雖一旦廓清乃家有藏書半屬咸陽之火邑無紀載空餘秦氏之灰幽光潛德豈盡闡揚野史稗官寧無遺漏况

吳序

三

復相沿又歷三紀繼此勿修是有志無志也而諸紳士悉皆名下無不驅獵左史引勝開奇猶復矢慎矢公徵文考獻紀事則寧嚴而無濫摛辭皆崇雅以黜浮剛繁就簡化腐爲新閱數月

而告成事書成之日謂余得例
載數言余滋愧矣夫以邑之名
碩紳儒敲金戛玉琳琅珠璣著
美於後而以余弁言於前則糠
粃焉且以諸大人先生之稟經
酌雅冠冕於前而以余續貂於

吳序

四

後則又瓦礫焉雖然余亦烏可
無序也方今海外悉已歸誠車
書一統

聖天子敷崇文教

詔天下纂修通志進

睿覽舍雖彈丸其間建置沿革星

野山川戶口土田民風吏治無
不備具皆得區分類別集爲成
書可以法今可以傳後而余猶
獲以稽古之力謬綰半通躬逢
盛事附名簡端藉以不朽茲非
其厚幸與是爲序

吳序

五

皆

康熙歲次甲子荷月舍山縣訓
導古嶺吳自立頓首拜撰



含山縣志序

志與史其名異其義一也
國家大經大法有關治體
者必載諸史策以垂永久
而方域碁布山川謠俗史

許序

一

所不及列者守宰咸得集
成一書以爲輶軒問政之
助此郡邑志所由始乎顧
史兼褒貶詞貴直而無私
志主揚抑事取核而有據

廼史自南董而降或諛或
誣率多失實固不如志之
近見諸郡邑者猶爲信而
有徵也

今皇上文德武功統一區宇

許序

二

環海內外皆歸版圖爰
詔天下纂修通志進呈
睿覽蓋與禹貢作而九功惟
叙職方著而兆民阜成先
後同揆焉誠重視之也邑

侯 趙公剖符舍土仁愛
拊綏善績未能殫悉以叅
稽訓典振興風化爲已任
念舍邑舊志蒐錄未備且
自 朱公成書迄今三十

許序

三

餘載其間因革損益政令
多所變通倘不亟行釐訂
年愈久而蹟愈湮不得不
似郭公夏五之闕疑矣用
是禮聘邑中名宿卓可矜

式者分局類纂寫之琬琰
而諸君子研索窮膏晷之
勤網羅極文獻之美仰資
國是俯協輿情削墨從繩
期於至當三閱月而志告

許序

四

竣屬叙於余余遜謝者再
四第 朱公前志曾附贅
數言茲再逢修舉曷敢不
操觚紀述也 朱公當定
鼎伊始劫火秦灰舊聞放

失卽欲探藏書於柱下詒
軼事於老成而滄桑旣易
甲乙滋淆若夫運際昇平
悠游討論得以肆力編摩
潤色鴻業於戲何其盛也

許序

五

矧此三十餘年來召杜循
良相繼舍之士敦懿行農
服先疇風氣日新人文蔚
起橫經庠序者家擅繡虎
之稱拜職彤廷者各抱濟

川之具以至壺範幽光節
烈輝映倫常攸賴哀輯彌
多是前人爲其約略而今
爲其精詳也余披讀新志
而三復之秩乎綱整而條

許序

六

貫也確乎理正而辭嚴也
郁郁乎藻采之葩以厚也
可以別淑慝昭勸懲可以
彰往事垂來禩諸君子抒
竭三長共成良乘足副